

Cant. 9. Beatitudinem ad vos extendat bubulci Kansicidae lacertus, qui, pluvia de-  
 23. fectorum armentorum bubulorum salvandorum caussa, Govardhanam montem  
 eradicavit et in altum sustulit, qui, ab uxoribus pastorum prae gaudii magni-  
 tudine basiat, a labiis extremis feminarum exsultantium sibi impressis contra-  
 xit signa minii.

V. »Ego heic maneo, i, propitia Râdham, fac, ut huc veniat a me rogata»  
 1. ita demandato ab hoste Madhuis negotio, meavit amica, Râdhamque ultro affata est.

Cant. 10. »Spirante a montibus Malayae Favonio, Amorem secum advehente, gem-  
 2. mascentibus florum catervis, quibus feriuntur corda seiunctorum, tabet te pri-  
 vatus ille, o amica, silvestri corona ornatus.

3. Urente radio lunae, morientis speciem gestat, dum devolant sagittae Cupi-  
 dinis, queritur longe miserrimus, tabet te privatus ille, o amica, silvestri co-  
 rona ornatus.

4. Murmurante apium turba, aures manibus operit, aegritudo ob separationem  
 mente potitur, noctu febrim subit, tabet te privatus ille, o amica, silvestri co-  
 rona ornatus.

5. Degit in vasta silvarum solitudine, relinquit domum iucundam, humi vo-  
 lutatur, alio lecto non usus, multumque nomen tuum questus, tabet te privatus  
 ille, o amica, silvestri corona ornatus.

6. Canente Jayadêva vate seiunctorum dolores, exoriatur in animo gaudiis  
 expanso Hares, piis operibus obtinendus; tabet te privatus ille, o amica, silvestri  
 corona ornatus.

7. Ubi quondam tecum nactus est sagittiferi Dei perfectiones, in eodem um-  
 braculo, magno Amoris sanctuario, Mâdhavas, te meditans, identidem murmu-  
 rans tui nominis invocationem, tanquam carmen magicum, denuo sitit nectar,  
 ex amplexu urnarum pectoris tui presso hauriendum.

Cant. 11. Conveni eum, dominum cordis tui, congressus loco, voluptatis deliciis di-  
 8. tissimo, iam manentem, vestitus elegantia Cupidini parem; noli, o feminibus  
 laeta, eundi cunctationem facere; manet ille in Yamunae ripa, molliter ventilata,  
 in silva, silvestribus floribus coronatus.

9. Canit dulcisona tibia, tuum nomen repetente, invitationem modulante;  
 magni aestimat, o tenera, vel pulverem, tuo corpore contactum, a vento alla-  
 tum; manet ille in Yamunae ripa, molliter ventilata, in silva silvestribus flori-  
 ribus coronatus.